



聖宋名賢五百家播芳大全文粹卷百四十三

挽詞

韓忠獻挽詞

王介甫

心期自與衆人殊骨相知非淺丈夫獨幹斗杓環帝
座親扶日轂上天衢鋤耨萬里山無盜袞繡三朝國
有儒爽氣忽隨秋露盡謾憑陳迹在龜趺

又

兩朝身與國安危典策哀榮此一時木稼曾聞達宮

怕山頽果見哲人萎
英姿爽氣歸圖畫
茂德元勳在鼎彝
莫府少年今白髮
傷心無路送靈輶

晏元獻挽詞

文章晉康樂
經術漢公孫
舊秩疑丞貴
前功保傳尊
傳呼猶在耳
會哭已填門
蕭瑟城南路
鳴笳上九原

又

終賈年方妙
蕭曹地已親
優游太平日
密勿老成人
抗論辭多秘
賡歌迹已陳
功名千載下
不負漢庭臣

感會真竒遇
飛揚獨妙齡
他年西餞日
此夜上騎星
宿惠留藩屏
餘忠在禁廷
音容無處所
髣髴寄丹青

司馬文正公挽詞

元祐開皇極
功歸用老成
惟深萬物表
不令四時行
日者傾三接
天乎奠兩楹
堂堂寧復有
埋玉慟佳城

又

國在多艱日
人如大雅詩
忠清居沒世
孝友是生知
加璧延諸老
橐弓撫四夷
公身與宗同
作太平基

又

獻納无虛日居然迹已陳清班區玉石寶歷順星辰
更化思鳴鴟遺書似獲麟易名无異論今代兩三人

又

毀譽盖棺了于今名實尊哀榮有王命終始著民言
蟬冕三公府深衣獨樂園平生兩無累憂國愛元元

司馬温公挽詞

陳元巳

恭默思良弼詩書正百工事多違謝傳天遽奪楊公

一代風流盡三師禮教崇若无天下議惡美并成空

又

百姓歸周老三年待魯儒世方隨日化身已要人扶
玉几雖來晚明堂訖授圖心知死諸葛終不羨曹蜍

又

少學真成已中年託著書輟耕扶日月起廢極吹嘘
得志寧論晚成功不願餘一為天下慟不敢愛吾廬

范忠文公挽詞

黃魯直

信道雖常爾知人乃獨身書林身老大諫紙字歌傾
鰲去三山動人危五鼎身保全天子聖几杖送餘生

又

公在昭陵日文章近赤墀空嗟伏生老不侍邇英惟
去國幾三虎聞韶待一夔誰言蓋棺了新樂鎖蛛絲

韓獻肅公挽

鬱鬱高陽里生才世不孤八龍歸月旦三鳳繼天衢
梁壤吾安仰人亡道固癯空今湖海士愁絕莫生芻

又

物產元希世風流更折衝決疑京兆尹富國大司農
遠業終三事仁聲達九宗方祈酌周斗何意輟秦春

又

淚盡才難日斯人遽隕傾冰枝憂木稼食昴恨長庚
名與具茨重心如潁水清堂堂萬夫表直作閉佳城

王文恭公挽詞

先皇憑玉几末命寄元勳賓日行黃道攀髯上白雲

四時成歲律五色補天天不謂堂堂去今為馬鬣墳

又

宥密深黃閣光輝極上台藏舟移夜壑華屋落泉臺
兩紉誰為挽寒筇故作哀傷心具瞻地无復衮衣來

賈魏公挽詞

王介甫

功名烜赫在三朝經術從容輔漢條儒術早紆丞相
紱戎冠再挿侍中貂開倉六塔流民復出甲甘陵叛
黨銷東里祇今空畫像當時于此識風標

又

銘旌蕭颯九秋風薤露歌悲落月中華屋幾人思謝
傳佳城今日閉滕公名垂竹帛書勲在神寄丹青審
象同天上貂蟬曾夢賜歸菟應侍紫陽宮

吳正肅公挽詞

昔繼吳公治今從子產遊里門无舊客鄉國有新址
謀讓禔謀遠文歸賈誼優此時辜怨寵西望涕空流

又

從容邊塞議抗疏廟堂爭曲突非元驗方穿有不行
朝廷終倚賴賻襚極哀榮豈愧公孫相平生慕董生

又

應世文章手宜民政事才朝多側目忘士有拊心哀
書蠹平生簡香寒後夜灰悠悠國西路空得塋車回

吳丞相挽詞

丙魏雖遭漢道昌豈如公出值虞唐秀鍾舊國山川
氣榮中天日月光更化事功泰虎變贊元時序得金

穰傷心鼓吹城南陌回首新阡栢一行

南豐先生挽詞

陳元巳

早棄人間事真從地下游邱原无起日江漢有東流
身世從違裏功言取次休不應須禮樂始作後程仇

又

精爽回長夜衣冠出廣廷勲庸留琬琰形像付丹青
道喪餘篇翰人亡更典刑侯芭才一足白首大元經

何郡王挽詞

汪彥章

兩紀中天侍冕旒甘盤仍作濟川舟起家經術終黃閣袖手功名未白頭身似留侯初去漢墓如姬且不
忘周干官祖奠城東陌十里春風鼓吹憂

又

名標南國洞中天胄出西京鼎足賢早扈六蜚依日月晚辭三事作神仙馬蹄忽到滕公室雞夢那逢謝
傳年一品真王封異姓功臣今不數凌煙

樞密周府君挽詞

少日聲名冠兩科并星爭看切雲裁回翔禁路聯三組獨步樞庭擁萬戈飲馬直須臨瀚海洗兵端欲挽
天河壯懷落落今休矣急景駸駸可奈何蟻動忽聽
牀下鬪駒跳已向隙中過泉原一閉成千古有客哀
吟只浩歌

叅政謝公挽詞

黃定

落落明良會千齡際遇難難香初坐帳獬豸即我冠
自抗囊封疏長開黼座顏西樞東府事施設未全殫

又

一自參機政居然重本兵才優文與武謚重敏兼榮
行矣躋三府天平夢兩楹鄩陽當日識端付的唐生

簽樞胡公挽詞

孫仲益

潤色文章手掄材政事科補天媧后石却日魯侯戈
已向蒼生望那聞挽著歌堂堂無復有寂寞閩山阿

又

虎穴連三輔狼烟暗百蠻邊風搖馬鬣朔雪點袍班

委命輕於縞收名重若山遺忠應未泯結草在兵間

又

名字標僊籍真遊返帝闈一尊無復日百卉自爭春
井廢无沉轄車懸有吐茵空餘峴山刻千載尚光新

宣撫簽樞胡公輓詞

莫府分弓日轅門叱馭時捫星高厯井修月上駑箕
勢面降胡泣聞輦聖主思龍驤老賓客競賦八哀詩

又

交親二紀餘，負病故人疎。
落落辰參似，寥寥楚越如。
空勞三夜夢，不辨一行書。
尚記喬公約，垂洟滿過車。

樞密劉公挽詞

朱晦翁

天早經綸業，家傳忠義心。
謀謨憂國遠，勳烈到人深。
廟廊風雲斷，江湖歲月侵。
一朝成殄瘁，九牧共沾襟。

又

慷慨平蠻畧，焦勞振廩功。
復讐乖宿願，忍死罄餘忠。
人嘆百身贖，天悲一鑿空。
九原終莫起，千載自英風。

久矣身無用，前恩嘆莫償。
豈期今老大，復此重悲傷。
淚向遺書盡，心隨宿草荒。
諸君那不死，慟絕鬢成霜。

大資政張公挽詞

孫仲益

大筆文章手，飛揚獨妙年。
判花森玉筍，視草對金蓮。
講肆聯重席，宮花卧八磚。
他年紬石室，妙絕冠遺編。

又

禮絕近三顧，恩榮閱九遷。
東鈞平似砥，履坦直如弦。
晉室和戎日，周家定鼎年。
金甌方卜相，颯馭已超然。

輦路追高躅，聯翩接兩駟。猶盤倚天劍，尚艤濟川舟。
兗帥俄分閫，羈臣亦首邱。一杯相屬地，回首涕交流。

禮部尚書洪公挽詞

葛謙

沙場握節伏時髦，說舌縱橫小六弢。委質肯輕從晉，
鼓搗文空見泣秦。牢冷山韻語名如斗，連灤危言命
若毛。豈料歸朝纔十稔，白楊聲裏壽原高。

又

守節冰天十五霜，歸來飛語又交方。正欣射鴈還幽

窖，旋復飛鳶墮瘴鄉。位不當材僅喉舌，壽難酬德遽
膏肓。八龍共侈荀門慶，雖厄龍蛇殆不亡。

又

高材博識服簪紳，玉樹瑤林絕點塵。氏族源流推內
譜，春秋褒貶籍調人。膝間韻磬傳山水，枰上枯碁戰
楚秦。妙處不傳今已矣，遙瞻遺像淚霑巾。

樞相太傅信安王挽詞

孫仲益

台路巖瞻峻，戎藩閫寄雄。九章公袞貴，六韋繇將牙。崇

翊運三階正持危一棟隆帝閑龍化後冀北已成空
又

大號疏廷煥中權秉帝樞槐庭聯上宰芸首冠諸儒
國瑞麟一角家肥鳳九雛便乘箕尾去仿鬣在星圖

又

秉燭聯飛蓋分茵託後車兵家千日酒記室五雲書
尚想儀刑在那聞語笑餘龍鍾隨壘紉老大滿衣裾

少保張公挽詞

帝閭謀元帥齋壇屬老儒黃麻字大號皂纛擁前驅
便合聯英袞猶應冠紫樞爰爰白晝日奄忽下桑榆

又

平土疏新渥湛恩洞九泉印懸金斗大冠珥玉蟬聯
墜劍今亡矣鳴珂尚宛然風流春月柳无復似當年

又

並轡天街裏聯裾省戶中追恭兩班合醉笑一尊同
我老猶占鵬公豪正吐虹忽騎箕尾去悽斷白頭翁

大卿范公挽詞

藉甚金閨彥從容玉帳籌垂堂懲後戒徒哭慕前修
忽作隋珠彈真成趙璧投寧辭廣武械竟脫楚儀囚
蹇叔言猶在敬函骨未收云何即長夜不復見焚舟

起居方舍人挽詞

汪彥章

漢殿臚傳處回頭四十春共嗟香案吏歸作釣臺人
意氣林泉老聲名日月新賈生方擬召鵬鳥在承塵

又

經術羣公上人材二紀間屢持膚使節竟老近臣班
賜第叨同擢趨朝憶共還白頭無力送能隔幾青山

強主客挽詞

不解低眉強取通平生進退古人風三年省戶身塗
左千里家山使節東從白得紅天意速看朱成碧世
情空迹踈似我猶推挽忠厚今誰肯繼公

又

早服公名願負墻晚方緣契預升堂枯藁豈足煩餘

潤畢長期附末光始報繡衣持使節俄驚丹旆倚歸
艎自憐多難空銜德千里無從酌一觴

張徽猷挽詞

家有平津舊學傳人材嘉瑞至和前運籌慣倚將軍
樹畫諾頻分刺史天字得鍾王真楷法心傳粲可祖
師禪零陵宴寢公重到父老追思靜治年

又

天與精忠伯仲間功成公獨拂衣閑專城早應賢俟

選延閣榮聯近侍班去國輕遺龍虎道思鄉長夢鹿
頭闌笑談平日摠衣處學子相逢淚雨潛

杜侍郎挽詞

美政真吾母名家更杜陵于張從昔少魯衛至今稱
絲竹中年好詞華夙世能周南棠棣傳平世幾人登

又

驥駟方懷遠松筠忽有秋雍容名士數終始法家流
凜凜驚千載堂堂闕一邱能令羊季子不肯過西州

又

身去風流在人難玉石分平生纔一見治行已多聞
更覺知音少還修地下文他年九原淚仍是兩馮君

王察院挽詞

陳元巳

施報終何在窮通共一空兩言成益友百代仰高風
終始無遺恨恩榮託至公不應埋真氣會見吐長虹

又

良貴官何與長年死不亡身須禦魑魅氣已懾豺狼

不盡胸中蘊猶堪地下郎豈惟吾道慶編簡亦輝光

寶文李公挽詞

孫仲益

十道觀風使三朝屬老成埋輪豺虎避檄水鱉魚驚
內閣徵書入連城負弩迎哀吟追往事空復故人情

又

絳雪飛丹鼎蒼雲覆茗杯聊從五禽戲空使萬牛回
拄笏看山坐乘桴跨海來仙遊知有在名字記丹臺

又

五紀周旋地欣同七十稀長庚陪月曉孤鶩伴霞飛
忽作三休去真成一夢非不知華表上白鶴幾時歸

周侍制挽詞

葛謙澤

平生器業負經綸誰謂公才不秉鈞
讜論十年持紫橐仁聲三郡駕朱輪
龜文豈是背無甲駒隙俄驚歲在辰
宅夾清漳親義重佳城引脰涕霑巾

又

手開榛棘啓雲扃淳古胸懷到大庭
坐脫老龐那問

日自銘小杜不占星牛頭吉兆空形夢
馬鬣新封遽妥靈馨歎從今成永訣
欲瞻遺像只丹青

洪慶善郎中挽詞

登名蟾窟值休辰中外掀騰寵數頻
錦帳握蘭榮帝所綉衣持斧耀江濱
兩州民社施張在四水門墻卜築新
豈料生還杳無日塚邊唯卧石麒麟

又

筆下翩翩注九河腹中空洞五車多
麟經旨妙傳洙

泗公嘗為春秋騷學詞明慰汨羅公注楚辭行於世六度有
為超梵業一心無累證禪那龍蛇歲惡賢人逝心折
風前薤露歌

又

平生氣槩凜冰霜聖讀潛心德愈光賞善每能頻擊
節避人寧復解移床第知中壘序論語誰測詩仙流
夜郎有道固應黃髮壽何期竟不驗長桑

又

闡茂之年拜伏犀雞豚同社記金溪情深縞紵論契
義切蓬麻荷品題花底醉春同挈榼雲中歷妙共扶
藜豈知生死今殊路投淚佳城意悽悽

吏部張公挽詞

孫仲益

千騎森森擁戟牙鈴齋高卧放朝衙官曹已踐文章
省門闕猶傳處士家天上麒麟新活計壁門蝌蚪舊
生涯一炊未熟成今古零落空懸刺史車

聖宋名賢五百家播芳大全文粹卷百四十三終

聖宋名賢五百家播芳大全文粹卷百四十四

挽詞

叔父給事挽詞

黃魯直

元祐宗臣考十科公居八九未為多功名身後無瑕
點孝友生知不琢磨

平生治獄有陰功忠孝臨民父母同賴上樵夫設卓
令宣城老吏識于公

三晉山河數十州頻年水旱不能秋我公出把司農

五百家播芳大全文粹

節粟麥還於地上流

更生若訟石中書宰掾非人欲引裾兩帥弄兵幾敗
國同時御史更誰知

曾發公家鉅萬錢溝中襁褓却生全三齊水後皆禾
稼不殺耕牛更可傳

軍容百萬轉風雷獨料王師不戰摧三篋飛書公對
獄元豐天子照姦回

隴上千山漢節回掃除民賊不為災蜀茶摠入諸蕃

市胡馬常從萬里來

廟廊從來不在邊黃扉青瑣慶登賢除書未試回天
筆何意佳城到馬前

榮祿常思澤九宗山摧梁壞併成空百年遺恨誰昭
洗它日諸郎有父風

晉地無戎卧賊曹民兵賜笏解弓刀六年講武儒冠
在不躡金門著戰袍

工部鄭公挽詞

王介甫

地蟠江漢久知靈通德門中見老成南去伏波推將
略北來光祿擅詩名密章贈襚連三組畫翣喪車載
一旌陰德故應多後福可能生子但升鄉

給事同年馬公挽詞

慶厯公偕起元豐我獨傷兩楹終昔夢五鼎繼前喪
薰歌曾攀桂甘留所憇棠素風知不墜能世有諸郎

又

藏室亡三篋得之公最多露晞當晚景川遊作前波

惠寄輿人誦悲傳挽者歌竹西携手處清洒邈山河

舍人崔公挽詞

黃泰之

昭代培英俊皇天獨不仁儒林埋鸞鷲翰苑失麒麟
青史空遺事黃麻半掩塵惟餘忠盡語分付義方人

又

昔會錢同舍欽聞玉潤姿公時尚縈服我亦去持麾
再起風斯下重來霧快披方圖問竒字杖淚賦哀詞

侍郎李公挽詞

昭代論人物如公實罕儔行藏一無愧才業兩俱優
矜式新章布封章動冕旒持荷簪筆地猶想舊風流

又

吏績今無匹邦人合去思築隄防水患振廩粒民飢
歷歷新安戒洋洋近古詩經綸曾未究空有典刑遺

尚書洪公挽詞

趙德莊

才大驚餘子名高壓四夷鴈書希世事鵬賦暮年悲
習險從人厄孤忠賴主知平生麟閣像深負禹門思

某往歲嘗拜公畫像
於錢塘間道所送也

又

碧落開何晚蒼生望每虛九原飛旆日諸老賜環初
雨露深黃壤風霜入素車向來端歷歷異代可無書

又

萬古功言計長江日夜流賈生聊屬國杜預本春秋
天上騎箕尾人間笑鸞鳩一經知好在衮衮看公侯

光祿董公挽詞

孫仲益

舊學江都相遺忠太史家絳惟今寂寞青簡尚光華
謾奏三千牘猶傳四十車諸生半齊魯東望涕橫斜

又

帳殿旌旗卷轅門鼓角悲江邊五馬渡天上六龍飛
感憤冠衝髮追攀肘見衣興元戡難日零落寸心違

學士蔣公母挽詞

汪彥章

舉酒傾華族高堂有白頭生兒勝武子偕老得黔婁
未免平反笑俄驚孺慕憂他年如報社牛女有悲秋

又

坐膝扶床處人看七十稀孤雛方反哺雙劍忽隨飛
脂澤新封在杯圈舊事非淒涼嘉樹側無復板輿歸

端明汪公挽詞

呂伯恭

異時憂世士嘆息恨才難得見公身健猶令我意寬
彫零竟何極合復豈无端此理終難解天風大隧寒

又

四海膺門峻親承二紀中論交由父祖受學自兒童

山岳千尋上江湖萬折東微言藏肺腑欲吐與誰同
魏國錄挽詞

麻衣見天子拜疏不知休落落山林氣拳拳歆畝憂
極知千載遇政用一身酬繞舍閩溪水朝宗日夜流

又

羣公祖疏傅多士送陽城短棹非前約長亭及此行
深留移白日共語只蒼生會續山陽賦鄰人笛未橫

祭酒蕭公挽詞

摩揣誠斯薄雕鏤質亦銷平生俱真樸直上絕枝條
氛霧終澄霽邱山亦動搖朝陽舊時鳳聲入舞蕭韶

即中楊公挽詞

象魏三千法瀛洲十八人南宮占列宿少海近重輪
聞道清羸極猶能執業親榴皮餘屋壑零落獨元神

又

並舍游從舊同朝分義深時時墜札得得到山林北
去先移棹南來後盍簪死生離合地騷首一悲吟

王詹事挽詞

諸老收聲盡佳城又到公蒼天不可問吾道竟成窮
旌卷莆田雨蕭橫雲浦風今年襟上淚三哭萬夫雄

又

太史交旃際元戎卷甲秋先鳴驚衆寐孤憤厭羣咻
羽翼新鴻鵠聲華舊斗牛斷橋元養不落月照寒流

周尚書挽詞

奏篇曾用牘三千晚歲回翔日月邊眼看四朝諸老

盡身魚五福幾人全清臺課歷遺書在晝寢凝香舊
政傳竹馬館前寒月白當時轍迹故依然

許著作作挽詞

消文麗藻百川增窘步追隨愧不能麟趾差肩臺岌
岌鴈飛聯翼塔層層尊臚歸興都門酒蕪露悲歌大
隧燈獨向梁間誦遺句寒松衰菊繞峻嶒

運使郎中張公挽

孫仲益

忽作霜松析猶殘舊桂叢仙山芸閣冷郎署粉闈空

節蕩函金虎車輻掩畫熊淒涼追往事忍看一旌紅

又

門表尚巍昂尊名擅一方珂鳴非故里星聚有新堂
月暗烏啼夜風高鴈折行吾生如寄耳端是橘中藏

又

學省周旋地三朝四紀中同聽對床雨共詠舞雩風
少日偕千佛殘年獨兩翁那知有存沒老淚落新宮

提刑直閣張公挽詞

荷鍾酬身後騎箕返帝旁風纏鄉月暈雲掩使星光
炯炯三珠在冥冥一鑑亡故交今白髮掩袂涕淋浪

又

撫事空心折懷新尚目存壽康駢五福德爵擅三尊
蠹落芸籤冷蛛懸畫戟昏像圖猶彷彿謾記刻舟痕

提刑郎中范公挽詞

星輅出帝躔光射斗牛邊納陛傾三接埋輪聳十連
那知憂鵬日已復夢雞年尚逐班衣戲俄從白布纏

倚閭心破碎投袂涕潺湲更有門前客愁吟淚滿牋
白布躔根樹旒旒
出晉顧愷之傳云

通川太守錢公挽詞

舞鳳來天日馮熊並海門畫指牛牯佩爭詠袴襦恩
鴈塔名猶在棠郊芟故存龍池飛霹靂空記刻舟痕

歷陽通守張文舉挽詞

六雄唐別駕一乘漢題輿自笑儒冠誤誰能刺繡如
彤襜方首路畫翬已隨車恨望城南陌哀歌淚滿車

通守李同年挽詞

桂籍聯榮四十年萍漂南北兩茫然寒暄粗接无淹
晷生死俄分有逝川黃紙尚傳批鳳詔青箱空掩絕
常編諸郎頭角皆翁似試看煎膠為續弦

濠州李公挽詞

循吏功名兩漢中平生風義最雍容魚遊濠上方云
樂鵬在承塵忽告凶掛劍自知吾已許脫驂不為涕
無從百年窮達都歸盡淮水空圍墓上松

又

禮教最優徐孺子風流不減謝宣城那知此別成千
古未信斯言隔九京落日松楸陰墜道西風簫鼓送
韶旌善人報施今如此隴水長寒鳴咽聲

天台太守端明胡公挽詞

孫仲益

天上文昌省人中翰墨仙尚書心似水學士筆如椽
視草金蓮夜哦詩錦琴年玉樓方斷手又看紫鸞鞭

又

遮門皓首啼行路涕爭揮不見班衣好空隨畫翳歸

蘭方獨秀華萼尚交輝試待遼東鶴千年有令威

又

貧病見交情殷勤問死生倒衣迎五馬空巷看雙旌
聚泛杯中月分班地下荆悲吟追往事感咽氣崢嶸

平江太守侍郎王公挽詞

燕領封侯相應揚國志風金貂七葉貴鼓角十州雄
按節星軺動埋輪虎穴空誰令交一臂已失大槐宮

又

束吏重足立無家寄一錐道旁烏攫肉舍下犬生羸
望絕重臨日哀吟去後思吳兒奉嘗我歌此送迎詩

又

通德門中見長安道上逢虛名慙薦鷄喜色看乘龍
流落湘江魄崎嶇楚市春相看親眼舊獨有後凋松

致政中奉胡公挽詞

釣石駸駸上綠苔起彈長缺詠歸哉此翁矍鑠丹心

在老子婆娑兩鬢催一夜劍津龍化後千年遼海鶴
歸來忽忽鼓吹城南路往和松風萬壑哀

致政運使直閣朱公挽詞

握節來金馬飛翳上木牛能令天粟雨故作地錢流
望實傾三館賢勞閱百州寥寥千古恨零落掩山邱
蕭散烏藤杖風流白接籬分茵前席滿載酒後車隨
食鼎羅千指歌鍾擁十眉淒涼今夜月空照習家池

又

老脫尚方爲門懸刺史車真成棄竹馬直欲換金魚
歲事千頭橘生涯萬卷書流芳知未艾蘭玉滿階除

致政左司王公挽詞

東海懷疏傳西州憶謝公劍飛衝夜斗桂折臥秋風
塵暗芸籤冷香凝粉署空潺潺千斛淚忍看一旌紅

又

解組天門上揮金里舍旁漸吹雙髻滿仍見一瞳方
舊說山中相今爲地下郎流芳知有在鸞鵠正高翔

又

憶昨聯飛蓋初筵點後塵那知炊未熟已與迹俱陳
契闊成千古悲吟待百身重臨更愁絕感塞鼻中辛

致政魯奉議挽詩

汪彥章

澤國令耆舊於君見典刑居鄉乘款段生子得寧馨
綵服供春酌銀章慰暮齡誰知雲霧裏忽失少微星

又

詔綽從君賜經龕與佛同早霑三釜祿幾作百年翁

閱世松成蓋傳家桂滿叢素車千輛送榮絕九原中

胡原仲挽詞

朱晦翁

夫子生名世窮居歲幾年聖門雖力造美質自天全
樂道初辟幣憂時晚獻篇行藏今已矣心迹故超然

又

澹泊忘懷久渾淪玩意深簞瓢元改樂山水自知音
冊府遺編在邱原宰樹陰門人封馬鬣寒日共沾襟

又

先友多淪謝惟公尚典刑向來深繾綣猶足慰飄零
喬木摧霜幹長空沒曉星傷心遽如許孤露轉玲竅

李先生挽詞

河洛傳心後毫釐復易差淫辭方眩俗夫子獨名家
本本初元二存存自不邪誰知經濟業零落舊烟霞

又

聞道元餘事窮居不計年簞瓢渾謾與風月自悠然
灑落濂溪句從容洛社篇平生行樂地今日但新阡

又

岐路方南北師門數仞高一言資善誘十載咲徒勞
斬板今來此懷經痛所遭有疑元與析揮淚首頻搔

羅宗約挽詞

朱元晦

江閣論心地重來感慨多故人今已矣此道竟如何
但使窮新得終當訂舊訛語言雖永隔吾欲問滄波

又

行義追前輩孤風凜一生子平昏嫁了元亮去留輕

涪万無歸棹嚴揚有舊盟空令同社客生死痛交情

張大資夫人挽詞

孫仲益

早歲乘龍見伯鸞賜衣霞爛出齊官自從東閣郎君
貴只作西池阿母看紫玉簫吹丹鳳去青萍劍合兩
蛟蟠素車白馬城南去愁見春風桂影圓

永嘉郡夫人挽詞

孫仲益

脂田開石窆綸閣演金葩綵服連三組綸衣珥六珈
行惟九節杖坐駕五雲車便作堂堂去瑤臺有故家

又

蔽芾斗城春平反迹未陳神馳一丹旄淚濕兩朱輪
故物悲萱草衰吟念棘薪空傳青簡上千載望光塵

魯國太夫人文氏挽詞

孫仲益

席寵千齡盛疏榮一品尊魏公丞相婦潞國太師孫
連騎珂鳴里交柯棘擁門平生種玉手盡室滿瑤琨

又

移孝繫慈母遺忠有世臣挺身安國步抗節犯戎塵

錫壤開東魯持樞拱北辰寧須待彤筆詔墨在絲綸

又

鼎餗羞嘉饗溪毛薦德馨來符虺蛇夢去躡鳳凰翎
盛事垂千載華年閱九齡淒涼便塵跡栢壠自青青

信安郡夫人挽詞

孫仲益

蟬聯女公子湯沐郡夫人籍著金閨密綸袞褒宇新
千葩朝閭苑雙劍化平津唧唧虫吟夜空梁落暗

又

夫擁侍臣橐兒乘刺史輶澗蘋供采采風棘盛天天
尚想萊班戲空留楚挽招魁頭引丹旒千古閩山椒

建國劉夫人挽詞

葛謙白

變彼閨房秀魚軒侈大家鳩巢奠蘋藻程弗絢筭玘
覺海聊依筏言筌謝算沙平生功用在元疾問毗耶

又

四德推賢範流芳在管彤植蘭門戶秀嚼蠟世緣空
荷橐夫官重宣堂母道崇相孫仍相婦寂寞閨幽宮

吳國夫人挽詞

汪彥章

優恩不與外庭同詔墨清頒出九重鍾鼎承家能兩
大詩書教子得三從葭莩密接椒房慶脂澤頻增石
窀封千里歸來鳴鶴野湘江正繞墓前

又

憶昨容衣味祔姑哀深反哺白頭烏佳城欲見十年
日旅殯先未五父衢汲汲素冠蒙霧雨翩翩丹旒歷
江湖竟成窀穸干戈後以事哀榮女所無

舒御史太夫人挽詞

陳元巳

回合江山秀佳城去域中珮環無曉日蘋藻自春風
斷髮人何在捐金事已空遂移男子孝更作直臣忠

靖安縣君挽詞

汪彥章

五世傳家德有徽更嬪蕭史慕靈妃平生未足魚軒
樂故里空傷羽翼歸唯劍忽先收夜氣寸莠猶欲報
春暉自慚不就磨笄志尚在徒能淚滿衣

詹令人挽詞

汪彥章

小隱嚴陵下當年得孟光里師為父順子虔事親長
洲橋應還熟庭萱遂不芳他年冠蓋會來看伏牛岡

又

有子皆通籍迎扶出萬山色難三釜外眉壽百年間
帝渥書泥紫兒嬉服綵班空成潘岳賦無復板輿還
王令人蔡氏挽詞

孫仲益

殿極中台應淮流奕世祥佳兒王武子名父蔡中郎
傳業青氈在談經絳幔張懸知黑頭貴已佇白眉長

蘋老那能采，豈留祇自芳。誰能授彤筆，端為刺青琅。

吳令人挽詞

孫仲益

誰識東床卧，相隨廡下春。懸知三復可，不恨五噫從。
玉冠螭頭立，芝塗玳首封。生兒荀淑似，頭角盡羣龍。

又

汙汙水東注，冉冉日西頽。側手留難住，揮戈挽莫迴。
鏡分天上月，劍逸地中雷。寂寞空床夜，悲蟲亦造哀。

樂壽縣君呂氏挽詞

黃魯直

歸裝衣楚楚，家世印累累。來作箕帚婦，不忘蘋藻詩。
居然成萬古，何翅謁三醫。騎省還秋直，霜侵鬢脚衰。

又

剪髻賓筵盛，齊眉婦禮閑。謂宜偕白髮，忽作去青山。
大夢驚蝴蝶，何時識珮環。哀歌行欲絕，丹旆雨斑斑。

自作挽詞

秦少游

嬰纓徒荒域，茹哀與世辭。官來錄我素，吏來驗我屍。
藤束木皮棺，藁蓋路旁陂。孤鳧不敢歸，惴惴滯猶茲。

家鄉在萬里妻子天一涯弱孤未堪事歸骨定何時
昔忝柱下史通籍黃金閨一朝奇禍發飄流至于斯
修塗繚山海未免從闍維荼毒復荼毒彼蒼焉得知
秋晚漲江急鳥獸鳴聲悲殞宮生蒼蘚紙錢掛枯枝
濛濛寒雨零慘愴陰風吹無人致薄奠誰與飯黃縗
更元挽歌者但有挽歌詞

哭淵師詩

王介甫

寄託荒山鬼與隣一生黃卷不離身百年薪盡隨緣

去莫學緇郎更悞人

哭慈濟大師詩

王介甫

投老惟公最故人相尋相恨隔城闈百年俯仰隨薪
盡畫手空傳淨戒身

聖宋名賢五百家播芳大全文粹卷百四十四終



